

**Bosna i Hercegovina**  
**FEDERACIJA BOSNE I HERCEGOVINE**  
**KANTON SARAJEVO**  
**KANTONALNI SUD U SARAJEVU**  
**Broj: 009-0-SU-24-000906**  
**Sarajevo, 26.12.2024.godine**

Na osnovu člana 23. i 30. Zakona o namještenicima u organima državne službe u Federaciji Bosne i Hercegovine ("Službene novine Federacije BiH" br. 49/05 i 103/21), i Saglasnosti Ministarstva pravde i uprave Kantona Sarajevo broj: 03-02-30-29084/24 od 20.05.2024.godine, Kantonalni sud u Sarajevu objavljuje:

**JAVNI OGLAS**  
**za prijem u radni odnos na određeno vrijeme**

- **1 (jedan) viši referent- daktilograf na određeno vrijeme (do povratka uposlenice sa porodijskog odsustva)**

**Opis poslova:**

Postupanje u Sistemu za elektronsko upravljanje sudskim predmetima u skladu sa Pravilnikom o CMS-u; kreiranje dokumenata; evidentiranje pratećih priloga i izrada dostavnica; evidentiranje podnesaka zaprimljenih u toku ročišta, evidentiranje izrečenih mjera i sankcija; dostavljanje kopija poziva upućenih svjedocima Višem stručnom saradniku za podršku svjedocima u skladu sa naredbom postupajućeg sudije; po naredbi postupajućeg sudije evidentiranje podataka o krivičnom postupku neophodnih za izdavanje uvjerenja o nevođenju ili vođenju krivičnog postupka; postupanje po dnevnoj naredbi sudije; vođenje zapisnika na raspravama po diktatu sudije; izrada sudskih odluka i pismena po naredbi sudije i obavljanje tehničkih poslova oko sređivanja spisa; preslušavanje CD-a i izrada transkripta sa glavnih pretresa; sjednica i ročišta; obavljanje poslova u cilju da su predmeti spremni za ročište prema rasporedu; obavljanje i drugih poslova po nalogu pomoćnika Sektora i šefa Odsjeka.

**Uslovi:**

Pored općih uslova utvrđenih u članu 24. Zakona o namještenicima u organima državne službe u Federaciji BiH, kandidati trebaju ispunjavati posebne uslove utvrđene u Pravilniku o unutrašnjoj organizaciji Kantonalnog suda u Sarajevu i to:

**Posebni uslovi za obavljanje poslova višeg referenta daktilografa:** Završena gimnazija, upravna, ekonomska ili učiteljska škola, SSS-IV stepen, poznavanje rada na računaru i najmanje deset mjeseci radnog staža.

**Način prijavljivanja:**

Kandidati se prijavljuju na javni oglas dostavljanjem prijave sa svim potrebnim dokumentima (original ili ovjerene kopije) kojima se dokazuje ispunjenje općih i posebnih uslova iz oglasa i to:

1. Prijava na javni oglas sa kratkom biografijom i kontakt podacima ( adresa i broj telefona)
2. Diploma/svjedočanstvo o završenoj školskoj spremi
3. Uvjerenje/potvrda o radnom stažu
4. Dokaz o poznavanju rada na računaru
5. Izvod iz matične knjige rođenih
6. Uvjerenje o državljanstvu ( ne starije od 6 mjeseci)
7. Ovjerena izjava kandidata da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji odnosno u Bosni i Hercegovini
8. Ovjerena izjava kandidata da nije obuhvaćen odredbom člana IX 1. Ustava Bosne i Hercegovine.

Izbor kandidata će se izvršiti nakon obavljenog testiranja brzine kucanja po diktatu/prepisu i intervjuu.

**Radni odnos se zasniva na određeno vrijeme do povratka zaposlenice sa porodijskog odsustva.**

#### **Prednost pri zapošljavanju:**

Prednost/prioritet pri zapošljavanju ostvaruju korisnici prava u skladu Zakonom o dopunskim pravima boraca – branitelja Bosne i Hercegovine ("Službene novine Kantona Sarajevo" broj: 31/22), Zakonom o pravima branilaca i članova njihovih porodica („Sl. novine Kantona Sarajevo, br.33/04, 56/05, 70/07, 9/10 i 90/17, 18/21), Zakonom o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH", broj 70/05, 61/06, 9/10 i 90/17) i Zakonom o pravima demobiliziranih branilaca i članova njihovih porodica („Službene novine Federacije BiH, broj 54/19) te u skladu sa Uredbom o jedinstvenim kriterijima i pravilima za zapošljavanje branilaca, članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo ("Službene novine Kantona Sarajevo" broj: 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevo i Općinama u Kantonu Sarajevo ("Službene novine Kantona Sarajevo" broj: 38/20 i 28/21).

Kandidati, da bi ostvarili prioritet pri zapošljavanju, u skladu sa naprijed navedenim trebaju da dostave:

- dokaz da su na evidenciji JU Služba za zapošljavanje Kantona Sarajevo – Uvjerenje biroa ne starije od datuma objavljivanja ovog Javnog oglasa ili
- dokaz da su zaposleni sa nižom stručnom spremom od one koju posjeduju – Potvrda poslodavca sa obaveznom naznakom stepena spreme (zanimanja) s kojom je radnik zasnovao radni odnos kod poslodavca ne starija od datuma objavljivanja ovog Javnog oglasa ili

- dokaz da su zaposleni na određeno vrijeme – Uvjerenje / Potvrda poslodavca sa jasno naznačenom dužinom trajanja ugovora ne starija od datuma objavljivanja ovog Javnog oglasa,
- prijavu prebivališta/boravišta u KS ne stariju od 3 (tri) mjeseca od dana izdavanja nadležnog organa
- te dostaviti dokumentaciju kojom se dokazuje status korisnika prava

Slijedi tabelarni prikaz dokumentacije kojom se dokazuje status korisnika prava koju kandidati dostavljaju u originalu ili ovjerenjima kopiji.

Redni broj	Pripadnost branilačkoj kategoriji	Naziv dokaza-dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca i - Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a)ratnog vojnog invalida b)dobitnika ratnog priznanja i odlikovanja c)demobiliziranog branioca.	Uvjerenje o statusu djeteta ratnog vojnog invalida Rješenje o priznatom pravu na: a) invalidninu, b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	Uvjerenje o status supruge ratnog vojnog invalida Rješenje o priznatom pravu na invalidninu	Općinska služba za boračko invalidsku zaštitu

### Rok za podnošenje prijava

Rok za podnošenje prijava na javni oglas je 15 dana od dana objavljivanja oglasa u Dnevnik novinama.

Prijave sa dokazima o ispunjavanju uslova dostavljaju se u zatvorenoj kovrti poštom preporučeno ili neposrednom predajom na adresu:

Kantonalni sud u Sarajevu,  
Ulica Šenoina broj 1., Sarajevo

uz obaveznu naznaku

“Prijava na javni oglas broj: 009-0-Su-24-000906 za prijem u radni odnos na određeno vrijeme za radno mjesto (obavezno navesti naziv radnog mjesta)”

Nepotpune, neuredne i neblagovremene prijave neće se uzeti u razmatranje.

Izabrani kandidat po završetku konkursne procedure dostavit će:

- Ljekarsko uvjerenje o zdravstvenoj sposobnosti.

PREDSJEDNIK SUDA  
Vladimir Špoljarić

